

**Kalaallit Nunaanni tjestemandit naalagaaffimmit atorfeqartitat pillugit inatsimmik  
aamma**

**Kalaallit Nunaanni tjestemandit il. il. naalagaaffimmit atorfeqartitat  
soraarnerussutisiassaat pillugit inatsimmik allannguinermik inatsit**

(Aalajangersimasunik ukioqalernermi soraarninngortussaataitanerup atorunnaarsinneqarnera )

UAGUT MARGRETHE AAPPAAT, Guutip saammaanneranik Danmarkip Dronningia,  
imaaliorpugut:

Folketingip inatsit manna akueraa aamma Uagut akuersinitsigut aalajangersarpaa

**§ 1**

Kalaallit Nunaanni tjestemandit naalagaaffimmit atorfeqartitat pillugit inatsimmi, tak. inatsimmik nalunaarut nr. 574, 5. august 1991-imeersoq, allanngortinneqartoq inatsimmi nr. 365-imi, 2. juni 1999-imeersumi § 4-kkut, inatsisikkut 1264-ikkut 20. december 2000-imeersukkut aamma inatsimmi 1426-mi 22. december 2004-meersumi § 1-ikkut, imatut allannguisoqarpoq:

1. § 29-mi peerneqassaaq >>65-inik ukioqalernermi imaluunniit<<

2. § 29-mi imm. 2-tut ilanngunneqassaaq:

>>Imm. 2. Kalaallit Nunaata Biskoppeqarfiani biskoppi qaammatip, pineqartup 65-inik ukioqalerfiata, naaneraniit soraarsinneqassaaq.<<

3. § 32, imm. 4-mi nr. 1-ip kingorna normutut nutaatut ilanngunneqassaaq:

>>2) 65-inik ukioqalersimasooq,<<

Nr. 2 aamma 3 matuma kingorna nr. 3-ngussaaq aamma 4-ngussaaq.

4. *Kapitali 7-ip* qulequtaani >>Kalaallit Nunaata Eqqartuussisuuneqarfiani<< allanngortinneqassaaq imatut: >>aamma Kalaallit Nunaata eqqartuussiveqarfiani inatsisilerituut tjestemandit atorfillit allat<<.

5. § 34, imm. 1-imi >>eqqartuussisup tullia<< allanngortinneqassaaq imatut: >>Kalaallit Nunaata eqqartuussiveqarfiani inatsisileritooq tjestemandit atorfillik<<.

6. § 34-mi imm. 1-ip kingornanut immikkoortut nutaatut ilanngunneqassaaq:

>>Imm. 2. Kalaallit Nunaata eqqartuussiveqarfiani eqqartuussisut inatsisilerituullu tjestemandit atorfillit allat qaammatip 65-inik ukioqalerfimmik naanerani soraarsinneqassapput.<<

Imm. 2 aamma 3 tamatum kingorna imm. 3-ngorlunilu 4-ngussaaq.

7. § 34, *imm. 3-mi*, *imm. 4-ngortussami*, >>eqqartuussisup tullia<< marlussunni allanngortinneqassaaq imatut: >>Kalaallit Nunaata eqqartuussiveqarfiani inatsisilerituut tjenestemanditut atorfillit allat<<.

## § 2

Kalaallit Nunaanni tjenestemandit il. il. naalagaaffimmit atorfeqartitat soraarnerussutisiassaar pillugit inatsimmi, tak. inatsimmik nalunaarut nr. 661 12. august 1993-imeersaq, allanngortinneqartoq inatsimmi nr. 346-mi 2. juni 1999-imeersumi § 6-ikkut, inatsimmi nr. 1426-mi 22. december 2004-meersumi § 2-kkut aamma inatsimmi nr. 527-mi 24. juni 2005-imeersumi § 5-ikkut, imatut allannguisoqarpoq:

1. § 6, *imm. 1-imi* >>piffissaq, taassuma ukiuni pissutigalugit soraarsitaaffissaralua<< imatut allanngortinneqassaaq: >>qaammatip, pineqartup 65-inik ukioqalerfissaata, naanerani<<.

## § 3

*Imm. 1.* Nalunaarut atortuulissaaq Lovtidendemi nalunaaruteqarnerup aqaguani.

*Imm. 2.* Kalaallit Nunaanni tjenestemandit naalagaaffimmit atorfeqartitat pillugit inatsimmi, inatsisip matuma § 1, nr. 1-iatigut allanngortinneqartumi, § 29, *imm. 1* sunnuteqanngilaq soraarsitsinerlut qinnuteqaatigineqartunut qinnuteqaatigineqanngitsunullu, inatsisip atortuulerfissaa sioqqullugu soraarsitsinerusunut.

## § 4

*Imm. 1.* Inatsisip atortuulersinneqarnerata kingorna aalajangersakkat inatsisiniittut, taakkunani piunasaqaataalluni ataatsimiititanut isumalioqatigiissitanullu il.il. siulittaasutut ilaasortatullu toqqagaasup eqqartuussisuunissamat piunasaqaatit eqquutitissimassagai, imatut paasineqassapput inuup 65-inik ukioqalereersimasup atorfik aamma isumagisinnaagaa.

*Imm. 2.* Ministeri pisussaasoq aningaasaqarnermut ministerimik isumaqatigiinniaqateqareernermi kingorna malittarisassiorsinnaavoq, inatsisini aalajangersakkat, taakkunani piunasaqaataalluni ataatsimiititanut isumalioqatigiissitanullu il.il. siulittaasutut ilaasortatullu toqqagaasoq eqqartuussisuussasoq, imatut paasineqassapput eqqartuussisup soraarnerup atorfik aamma isumagisinnaagaa.

*Tunniunneqarpoq Christiansborg Slot-imi, ulloq 31. marts 2009*

Kunngiussutitsinnik Atsiorpugut Naqissusiillutalu

MARGRETHE R.

/Lars Løkke Rasmussen